

Sier Vetor Capello

» Zuam Moro.

*Cassieri.*

Sier Andrea Suriano

» Piero da cha da Pexaro.

*Sora l' armar.*

Sier Alvixe Longo

» Giacomo Contarini.

*Avogadori.*

Sier Antonio Calbo

» Domenego Trivixam, el cavalier

» Lorenzo di Prioli.

*A le biave.*

Sier Zuam da Mosto

» Mathio Tiepolo

» Giacomo da Canal.

*Arsenal patroni.*

Sier Francesco Zustignam

» Piero Moro

» Alvixe di Garzoni.

*Proveditori a l' arsenal.*

Sier Hironimo Venier

» Antonio Trum

» Ludovico Grimani.

*Nodari di collegio.*

Domine Zuan Diedo, canzelier primo

» Alvixe Manenti

» Zuan Jacopo di Michieli, al consejo di X

» Zacaria di Freschi

» Gasparo di la Vedoa

» Zorzi Negro

» Bernardin di Ambrosii

» Alvixe Sagudino

» Francesco da la Zuecha

» Zuam Piero Stella

» Marco Bevazam

» Bernardin di Redaldi

Domine Francesco Zenaro

» Francesco Tajapiera.

» Thomà di Freschi

» Nicolò Aurelio

» Zuam Battista di Vielmi

» Piero Zantami.

*Dil mese di april 1499.*

226

A dì primo april. In collegio. Introe tutti li savii nuovi electi, et vene sier Marco Sanudo venuto podestà di Brexa: prima, come era venuto per aqua et era stato la settimana santa in burchio, per haver voluto sier Polo Trivixam el cavalier suo successor far l'intrada a tempo che li conveniva haver fato cussi: *denum* disse di le fabriche di Brexa e di la porta di San Nazaro et di San Alexandro et li revelini è quasi compidi, manca una parte di mure. *Item*, ricorda di la garzeta la qual bisogna fortificarla, et che era sta in bosalation, et la parte presa tra l'horo di privar alcuni cittadini, et laudò sier Francesco Mozenigo et sier Zuam Francesco Pasqualigo dottor et cavalier, con il qual era stato sempre in grandissimo amor; et che di la ricchezza e fede di quella terra non diceva perchè era a questa Signoria *salis* nota. *Item*, havia sedà discordie, zoè tra misier Bernardin da Martinengo et li Gambari; et che la Signoria nostra sedò quella di missier Lodovico de Martinengo. *Item*, havia fato justicia general. Et il principe li rispose laudandolo *juxta* il suo consueto, et rimase in collegio et sentoe savio a terra ferma.

Et atento era fato il compromesso nel ducha di Ferrara, in questa matina fono balotati tutti, zoè li consejeri savii dil consejo et di terra ferma, et rimaseno tre, li qualli dovesseno esser con ditto ducha *nomine dominii* a questa sententia daria: et rimaseno sier Marco Antonio Morexini el cavalier consejer, sier Nicolò Foscarini savio dil consejo et sier Polo Pixani el cavalier savio a terra ferma.

Vene li do oratori pixani, e presentò una lettera al principe di soi signori, di 22 marzo. Zercha le zente fuzevano et si racomandano, et è la peste li atorno, prega la Signoria comandi a le zente non si meschi. Poi essi oratori, qual domino Piero di San Cassano parlava e disse di queste pratiche e intendevano la Signoria nostra voler fiorentini meta uno segno e zudexi in Pisa, la qual cossa non voleno et vorebeno l'horo haver Livorne, et per el principe li fo dato bone parole. Et li fono dimandato la intrada di Pisa: risposeno dal 7 fin 22 dete ducati 130 milia, dal 22 fin 34 ducati 100 milia, e poi ducati 70 milia per